



ORANJESTAD

(AAN): Otro siman e muchanan di scol ta bay tin 'Herfstvakantie' y mirando esaki Tienda di Educacion ta duna algun bon conseho pa mayornan.

Noeki Haddocks di Tienda pa Educacion den un entrevista cu DIARIO a splica cu apesar di e hecho cu ta bay tin vakantie, lo ta bon pa e mayornan sigui cu e structura, cu ta inclui cu e muchanan tur dia tin un caminda fiho pa bay y pa no laga nan bay drumi demasiado laat, apesar cu nan no tin cu tanta trempa siguiente dia.

"Quizas bo por permiti e muchanan pa bay drumi mey ora of un ora mas laat, pero lage bay drumi por ehempel 2'or of 3'or di marduga, unda quizas e no ta haya suficiente sosiego", segun Haddocks.

El a bisa tambe cu mester wak bon unda y cu ken e muchanan ta keda ora abo ta na trabao, unda cu quizas e mucha por bay un camping cu hendenan responsabel, pa e por keda participa na actividadnan sano.

Haddocks a bisa tambe cu ta bon pa laga e muchanan haci algun

tarea di scol, apesar di e hecho cu nan tin va-

kantie. Quizas e mayor por lesa cu e mucha of dune algun som pa e haci, pa ora cu scol cuminza bek nan ta up to date

Tienda di Educacion:

Den vakantie tambe mester mantene un bon structura pa e mucha

ainda. Hopi biaha ta pensa cu ora cu e muchanan ta teenagers nan no tin mester di mucho guia mas, pero e mayornan

mester sigui pone atencion, pasobra apesar cu nan por keda cas nan so, un bon guia ta importante.